

老子集解

老子集解下

太寧居士薛蕙

德經

上德不德是以有德下德不失德是以無德

上德者知道之無所得故不自德此德之盛者是以有德下德者未及無得之道能不失

德而已此德之小者是以無德上德無為而無以為下德為

之而有以為無以為謂無所為而為上仁為

之而無以為上義為之而有以為上仁然慈仁汎愛

兼利然至誠惻怛猶無所為而為之也故曰上仁為之而無以為上義正直決斷處物合

宜其心將以服人故曰上禮爲之而莫之應

則攘臂而仍之仍就也禮者盛揖讓之容繁登降之節其爲之也視仁義

爲愈甚矣倡則必其應施則責其報一有不

來故其弊必至於此其視上義之有以爲尤

蓋不足也故失道而後德失德而後仁失仁而

後義失義而後禮有至德而不自德者道也

惟其有心則淺薄之漸而道之賊也故曰失

道而後德德雖有心猶爲渾厚及德衰而有

仁則親愛之私益著矣故曰失德而後仁恩

懷不足以義服之故曰失仁而後義義不能

服屬縻以禮勉強於外非心悅誠服之謂也故曰失義而後禮夫道四降而至於禮更德之最薄而不可復降者也降則皆亂夫禮者之道而又有每下者焉可勝嘆哉

忠信之薄而亂之首前識者道之華而愚之

始禮未必無忠信而更忠信之薄也非以為

固自有不言而信者若夫卑體貌以示其敬善辭令以諭其誠禮文雖多而忠信之心實以微矣故曰忠信之薄禮之務施報非太上擇讓適所以為爭鬪之階也故曰亂之首前識猶言前知前識未必非道而更道之華也非以為愚而更愚之始也夫道之真務養其神明雖光耀天下而含章不發若夫用其聰

明逆知治亂豫言禍福此可以驚世駭俗而  
反之身心無益也故曰道之華億度屢中遂  
將徂之役神於外廼迷是以大丈夫處其厚  
惠之本也故曰愚之始是以大丈夫處其厚  
不處其薄居其實不居其華故去彼取此上承

華薄而言大丈夫猶言大人也禮者忠信之

薄前識者道之華此中人之所守爾若夫忠  
信之至自然動物大道之極無

### 右第三十八章

程子曰失道而後德失德

而後禮則道德仁義禮分而為五也竊謂  
老子此言所以究道德之終始而著其厚  
薄之漸也語其始則一本而已及其終也  
去本寢遠而為德薄則矣豈誠分而為五

而判然不相合哉且老子之言本爲易見其曰禮者忠信之薄謂之薄矣不曰非忠信也前識者道之華謂之華矣不曰非道也是則老子之言不爲不明豈程子偶未之思乎又議者咸曰仁義禮法聖人治天下之具也老子之學廼欲棄仁義絕禮法使其說行天下惡得不亂乎至於後世士果有尚清談而廢實行嗜放達而遺名教天下化之遂以大亂如晉人者是已其禍出於祖述老子之道故也議者之云旣不足以及知老子之指亦未能盡知晉人之弊也嘗謂晉人本非老子之學其亂天下蓋有故矣夫老子之學所以棄仁義絕禮學者而豈徒哉其棄仁義將以宗道德也其絕禮學將以反忠信也如晉人者吾見其棄仁義矣未見其宗道德也吾見其絕禮

學矣未見其反忠信也自太康之後訖于江左之亡士大氏務名高溺宴安急權利好聲伎其貪鄙媮薄極矣若夫尚清談嗜放達猶其小者耳晉室之亂凡以此也彼老子之書初曷嘗有是哉老子之言曰大白若辱務名高乎強行有志溺宴安乎少私寡欲急權利乎不見可欲好聲伎乎若畏四鄰嗜放達乎多言數窮尚清談乎以此觀之則晉人之行其與老子之言不啻若方圓黑白之相反矣安在其祖述老子之道哉嗚呼老子之微言未易言也若其大較則可得而知矣故曰大丈夫處其厚不處其薄故去彼取此今晉人者不惟不能庶幾道德之意跡其行事蓋禮法之士所不屑爲者豈不悖哉是故去薄而取厚者老子之指也去薄而取其至薄者晉人

之行也

昔之得一者天得一以清地得一以寧神得一以靈谷得一以盈侯王得一以爲天下貞

其致之一也

天氣清明故曰清地體安靜故曰寧鬼神聰明故曰靈原泉不竭故曰盈侯王在上天下宗之而取正故曰爲天下貞五者之致是皆一之爲也

天

無以清將恐裂地無以寧將恐發神無以靈

將恐歇谷無以盈將恐竭侯王無以爲貞而

貴高將恐蹶

蹶音厥○發動也蹶仆也天無以清蒙上以清而言天得一以



清無以清者失其一也將恐裂者不能常清也以下意並放此故貴以賤為

本高以下為基是以侯王自謂孤寡不穀此

其以賤為本邪非乎侯王之在天下與庶民故等夷耳庶民歸之自

匹夫而為侯王庶民去之自侯王而為匹夫是侯王之貴高特以庶民之下賤為基本也

侯王自稱曰孤曰寡人曰不穀此數者皆窮民下賤之稱侯王不取貴高之號而以此自

名者不忘其本也非乎者是也言侯王自謂孤寡不穀正是以賤為本耳吳幼清曰先云

賤為本下為基後但故致數與無與不欲瑑云賤為本省文也

瑑如玉落落如石數上聲○致義未詳疑衍文也瑑瑑玉貌落落石貌

有衆材而後有興興也者衆材之總名也苟  
一而數之蓋廼衆材合而後成興若無衆  
材是無興也譬猶有庶民而後有侯王侯王  
者庶民之總名也苟一一而數之蓋廼庶民  
合而後成侯王若無庶民豈復有侯王哉興  
雖美矣非衆材之小不能自爲美也侯王雖  
貴矣非庶民之賤不能自爲貴也故爲侯王  
者欲其貴而能賤不欲瑑瑑如玉落落如石  
也蓋玉貴而石賤局於一隅而不能屈伸變  
化者也此興上節但就貴高而言而不復及  
得一者蓋侯王之失其民者由失一也其失  
一者大抵由恃其貴高而肆於民上故耳老  
子詳言貴高之  
故蓋戒之也

## 右第三十九章

反者道之動弱者道之用

反復也道之動以復爲本蓋不復則

不可以動必凝聚收斂而後能發揮之盛故反者道之所以爲動也道之用以弱爲常蓋

不弱則不可以久必冲和濡弱而後無亢盈之患故弱者道之所以爲用也

天下

之物生於有有生於無

首章無名天地之始有名萬物之母卽此

義也橫渠張子曰大易不言有無言有無諸子之陋也學者以先入之言爲主安知其有

未然乎凡古人名理之辭多同實而異名而後世師心之論恒隨名而生解所謂知二五

而不知十也夫大易之寂感與老子之有無其實未始不同也安在其爲不言乎周子曰

靜無而動有亦將謂濂溪爲陋乎抑有無云者其辭約其道大非知者莫能與知也莊子

曰古之人其知有所至矣惡乎至有以爲未始有物者至矣盡矣不可以有加矣又曰觀有者今之君子觀無者天地之友學者有見於莊子之言始可與言有無之說矣

### 右第四十章

上士聞道勤而行之中士聞道若存若亡下

士聞道大笑之不足以為道

夫道深矣遠矣與物

反矣惟上士聞之則能勤而行之以其知之明而信之篤也中士則疑之蓋未能真知而篤信也至於下士直大笑之而已然使其不笑則道與下士之見同何足以爲道乎嚴君平曰中士所聞非至美也下士所見非至善也中士所眩下士所笑乃美善之美善者也

類音類。○建言古之立言也。類絲節也。知道  
至於明徹則黜其聰明反若愚昧行道至於  
進益則損之又損反若退卻造道至於平易  
則清而容物不欲小察反若有窒礙而不均

上德若谷大白若辱廣德若不足德之至高者必知雄

守雌反若卑下德之至潔者必和光同塵反若汙辱德之至廣大者必不矜不伐反若狹

小而建德若偷質真若渝大方無隅也渝變

也建德者無爲故若偷惰而不競質眞者去  
飭故若滄變而不新大方者不割故無廉隅

大器晚成大音希聲大象無形道隱無

阿不  
 教  
 唐生  
 書明  
 教  
 通  
 山

名夫惟道善貸且成大器晚成不若小而速成也大音衆音之本反  
寂寞而無聲也大衆象象之宗反杳冥而無  
形也道者衆名之祖反隱匿而無名也貸者  
謂假予萬物也且成者又能成就之也自明  
道若昧至此皆建言也可見道之深遠實與  
常情相反此上士聞之所以勤行中士所以  
致疑而下士所以大笑也王輔嗣曰凡此諸  
善皆道之所成也在象則爲大衆而大衆無  
形在音則爲大音而大音希聲物以之成而  
不見其成形故隱而無名也貸之非唯供其  
乏而已一貸之則足以永終其德故曰善貸  
成之不加機匠之裁無物  
而不濟其形故曰善成

## 右第四十一章

道圖明也一  
照也二能照  
所照也三能  
所照也四

道生一一生二二生三三生萬物

司馬溫公曰道生一

自無而有，一生二分陰分陽，二生三陰陽交而生和，三生萬物和氣聚而生萬物。

物負陰而抱陽，沖氣以為和。

董思靖曰：凡動物背止於後陰。

靜也。耳目口鼻居前，陽動也。故曰：負陰抱陽。植物則背寒嚮暖而沖氣運乎其間。吳幼清

曰：萬物之生，以此沖氣。既生之後，亦必以此沖氣為用。迺為不失其所以生之本。人

之所惡，惟孤寡不穀，而王公以為稱。

嚴君平曰：微寡

柔弱者，天地之所由興，而萬物之所因生也。衆人之所惡，而侯王之所以自名也。蘇子由曰：世之人不知萬物之所自生，莫不賤寡小而貴衆大。然王公之尊而自稱孤寡不穀，古

仲尼為其不  
善者而改之如  
來以一潮提  
梁者多蓋  
知誠以心以理  
一而已矣

之達者蓋已知之矣故物或損之而益或益之而損損  
則就其冲和故益益人之所教我亦教之強  
之則遠其冲和故損梁者不得其死吾將以為教父  
梁者不得其死吾將以為教父梁亦強也木  
取其堅強之意不得其死非正命而死也教  
父猶曰象教之先強梁者不得其死當時之  
人雖嘗以此為教然不知其義亦不以為最  
切也老子以為教父蓋知其所以然故也

### 右第四十二章

天下之至柔馳騁天下之至堅無有入於無  
聞吾是以知無為之有益馳騁役使也堅猶  
剛強不曰剛曰強



變文叶韻也無閒無內也至剛者天下莫能  
勝而至柔爲能役之無內者天下莫能破而  
無有爲能入之察其所以皆以無不言之教  
爲而致之以此見無爲之有益也  
無爲之益天下希及之  
事治此聖人誠信之  
至德自然之成功也若夫教必言而後從事  
必爲而後成其所爲甚勞其所及甚寡去聖  
人之道遠矣嚴君平曰有爲之爲有廢無功  
無爲之爲成遂無窮天地是造人物是興有  
聲之聲聞於百里無聲之聲動於天外震於  
四海言之所言異類不通不言之言陰陽化  
天地感且道德無爲而天地成天地不言  
而四時行此二者神明之符自然之驗也

### 右第四十三章

名與身孰親身與貨孰多得與亡孰病多猶重也

世之人不知貴已賤物之道而危身棄生以徇物老子閔而教之曰名之與身何者其親乎何為外身而內名也身之與貨何者其重乎何為賤身而貴貨也或得名貨而亡身或得身而亡名貨何者其病乎

是故甚愛必大

費多藏必厚亡承上言身與名貨得此必亡彼未有所存而無害者也甚

愛名者汲汲於知名之事其所費必大矣多藏貨者汲汲於貨殖之事其所喪必厚矣嚴君平曰聖人上原道德之意下揆天地之心崇高顯榮吉祥盛德深閔浩太尊寵窮極莫大乎生萬物陳列奇恠珍寶金玉珠璧利深得巨莫大乎身禍世之匠亂國之工絕逆天

此傷害我身莫大乎名生僑長溢困民貧國  
獲濁精神使心多欲叛天違道爭爲盜賊天  
下不親世多兵革莫大乎貨故得之與亡或  
病或利得名得貨道德不居神明不留大命  
以絕天不能救失名失貨道德是祐神明是  
助名顯自然富配天地故細身大名未可與  
論至道也輕身重知足不辱知止不殆可以  
國未可與圖利也知足不辱知止不殆可以  
長久知足者樂今有之已多蓋自得而無求  
者也豈有無求而有辱乎知止者懼後  
進之有損蓋知幾而固守者也豈有知幾而  
至於危殆乎之二者廼可以全生可以盡年  
之道也

## 右第四十四章

大成若缺其用不敝大盈若沖其用不窮大

直若屈大巧若拙大辯若訥成而速毀盈而速竭由速恃其

盈成而不知持之以道也大成必守之以缺

故能不毀而常成大盈必守之以沖故能不

竭而常盈大直若屈大巧若拙躁勝寒靜勝

大辯若訥意並如上但省文耳躁勝寒靜勝

熱清靜為天下正躁動則陽生故勝寒靜處

也為天下正猶言侯王得一以為天下貞謂

為天下法也聖人之德至無為而極故可以

為天

下正

# 右第四十五章

天下有道却走馬以糞天下無道戎馬生於

郊却走馬言寢兵也戎馬生於郊言兵久不歸也天下有道諸侯各守其國不相侵伐

故退却走馬而無所用惟盡力於田畝而已

天下無道列國兼并兵連禍結而不得解故

戎馬不歸育於國中罪莫大於可欲傳曰夫

而至生於郊外也足凡物之可欲者罪戾之本也禍莫大於

不知足無厭之心禍之府也韓非曰人無毛

不著地以腸胃為根本不食則不能活是以

不免於欲利之心欲利之心不除其身之憂

也故聖人衣足以犯寒食足以充虛則不憂

矣衆人則不然大為諸侯小餘千金之資其

欲得之憂不除也胥靡有免死罪時活今不知足者之憂終身不解故曰禍莫大於不知足咎莫大於欲得者貪得者必不免於凶咎大其身亡其家然此特凡人之患耳而爲道者尤不可不慎也凡非真性皆外物也外物本不屬已夫馬得而有之故欲得者適自喪而無欲者乃真得也蘇子由曰匹夫有一於身患必及之侯王而爲是故知足之足常足矣則戎馬之所自起也

## 右第四十六章

不出戶知天下不窺牖見天道其出彌遠其

知彌少

天下同歸而殊塗一致而百慮天下之情不異吾之情也天地之道不異

吾之道也

故不出戶可以知天下不窺牖可以

以見天道

遠者對近之稱少者對多之稱本

在於內

乃至近也索之於外故彌遠也知一

操約無不通

也博物多知殊有限也由其求

愈遠而愈不近

所以

知愈多而愈少也

是以聖人不行而至不

見而名不為而成

通於一而萬事畢吳幼清曰不待行出而已如徧至

其處故能悉知天下之事

不待窺見此物而

能名其理故不窺牖而見天道也

惟其不行

而至不見而名故不待有

所作爲而事無不成也

右第四十七章

者損  
 損見即和藏  
 也見即和藏入  
 通之門亦和藏  
 通之障時則  
 損積以承其備  
 曰則沙汰以存  
 其精壯也  
 聖王通曰損以  
 益德者博也  
 損見我佛  
 返觀性

為學日益為道日損為學者貴博故多聞多見務日有所益為道者

貴約故去健羨黜聰明務日有所損損之又損以至於無為無

為而無不為矣損也者損私心而反無為也然人之私心甚多雖日損之

未能遽盡也故必損之又損然後私心漸盡以至於無為也至於無為則同乎道矣內而

聖外而王天下之事皆其度內耳取天下常以無事及其有

事不足以取天下無事即無為也取天下常以無事無為自化清靜自

正有事不足以取天下為者敗之執者失之

# 右第四十八章



聖人無常心以百姓心爲心

聖人本無心其有心也以百姓

心爲心而已

善者吾善之不善者吾亦善之德善

矣信者吾信之不信者吾亦信之德信矣

上承

言聖人以百姓之心爲心然人有善不善信不信之不同而聖人者復能視之如一也蓋聖人之所存者純乎善信而已矣未嘗有不善不信也其施於人一皆以善而懷之以信而待之未嘗以人之善否信誕遂亦二三其德也蓋其爲德所謂至善至信矣若廼人則不善不信吾亦懷斯心以應之是衆人則淺薄之事君子且莫肯爲况聖人乎聖人之在天下慊慊爲天下渾其心百姓皆注其

耳目聖人皆孩之

慄青帖渾上聲○慄慄安靜也渾其心謂於善否信

謾同以善信待之不分別也聖人之爲此不唯躬自渾而已亦將以至仁至誠之道而感化天下也故曰爲天下渾其心然百姓見聖人之不分別也不測其故皆大異之故注其耳目觀聽聖人之所爲聖人則皆孩之知其無知若孩童耳孩童之見不喻大人之事猶百姓之知不測聖人之道也

### 右第四十九章

出生入死

生死者相對之物也有生則有死矣故人一出於生則即入於死古

人有言凡人惟欲斷死不知斷生亦猶老子之言是也此性命精微之理學者宜致思焉

生之徒十有三死之徒十有三

任其生而稍久淹者生之

徒也傷其生而速夭折者死之徒也世人之俗之悠悠者舉不越斯二者之間矣

生動之死地者亦十有三夫何故以其生生

之厚

此世俗之中貪生而不知道者也之適也動輒也生者求生其生也人之貪

生者本欲適生然輒適於死地者是何趣福而反得禍也蓋以其自私自利過於求生其

生而不知更近於死也列子有曰生非貴之所能存身非愛之所能厚亦此謂也夫悠悠

生死之徒既汨沒於變化之城而有意於久生者亦終莫逃於死地所以然者由未聞出

生入死之說耳蓋聞善攝生者陸行不避兕虎入軍

不被甲兵兇無所投其角虎無所措其爪兵  
無所容其刃夫何故以其無死地擇持也上言生之徒  
十有三死之徒十有三人之生動之死地者  
亦十有三是十分之中總爲九矣九之外有  
一則善攝生者是也所處也無死地者由無  
生也由無生斯無死地矣由無死地斯物莫  
之能傷矣夫至人者明乎無我反乎無朕忘  
其肝膽遺其耳目上與造物者游下與外死  
生無終始者友人但知其無死不知其本無  
生也苟非其人私計身心妄生念慮內則有  
疾走之跡外則來猛虎之患矣

右第五十章

道生之德畜之物形之勢成之

畜許六反下同○道生之

虛無杳冥物之祖也德畜之太和氣氤物之

母也此二句即物生之先而言物形之聚而

成物形可見也勢成之物既形矣自生而長

自長而成自然之勢也此二句即物生之後

而言別而言之有此四者之異然物形之勢

成之亦皆道德之所為爾管子曰虛無無形

之謂道化育是以萬物莫不尊道而貴德萬

萬物之謂德

自生至成莫不本於道德是以道之尊德之

同尊之貴之蓋其本在此故也

貴夫莫之命而常自然

物無生而貴者如天

子之尊貴必命於天

諸侯之尊貴必命於天子惟道德之尊貴無

有命者而本自尊貴可見道德之尊而無上

也夫道生之畜之長之育之成之熟之養之  
覆之生而不有爲而不恃長而不宰是謂玄  
德長並上聲○極言道之曲成萬物之功有  
如此者然雖生之而不自私雖爲之而不  
自恃雖君長之而任其自然未嘗  
宰制此其爲德非人之所能測矣

### 右第五十一章

天下有始以爲天下母

天下之事不自始也  
蓋有始者爲之母天

下之事適從此  
出皆其子也

既得其母以知其子既知其

子復守其母沒身不殆

復扶又反下同○天  
下之事畢陳於前智

有不知則羣疑未亡也。或有知其髣髴者固  
非能得其母也。視不知者豈相遠哉。惟得毋  
以知子者斯能無所不知矣。然得其母者豈  
徒欲知其子正欲復守其母也。使知子而不  
守其母則舍本趨末終亦多方喪生耳。知雖  
落天地辯雖彫萬物能雖窮海內不足貴也。  
沒身不殆夫守其母者固深根固

塞其兌閉

其門終身不勤開其兌濟其事終身不救

易曰

兌爲口塞其兌使內者不出也。閉其門使外  
者不入也。如是則澹然無爲何勞之有。若開  
其兌而濟其事由是動之。見小曰明守柔曰  
死地而終身不可救也。見小曰明守柔曰  
強事著而見其智不能知微也。此見小之所  
以爲明乎物壯而不變其力不能常勝也。

此守柔之所  
以為強乎  
用其光復歸其明無遺身殃是  
謂襲常  
光者明之發心之感通之用也明者  
不發於用顧用之太過而不知復反於本縱  
其情而害其性是自遺其身殃也以感通為  
斯須之用以退藏為真常之本則於內外動  
靜之理得之矣襲重也此日用之常而復有  
常道存焉  
故曰襲常

## 右第五十二章

使我介然有知行於大道惟施是畏

介然小也列子

曰介然之有施張大也老子自言使我少有  
知識行於大道惟以夸張為畏也後世之俗



大氏習於夸詐故老子大道甚夷而民好徑

自謙之甚以深警之  
好去聲○徑者小路與大道相反言大道甚

坦夷民反倍之而好由小徑如下文之所云  
也朝甚除田甚蕪倉甚虛除潔好也盛修宮

務本而無畜積故服文采帶利劒厭飲食財  
田甚蕪而倉甚虛

貨有餘是謂盜誇非道哉  
服文采帶利劒厭

財貨有餘兼并不均也彼不足故此有餘矣  
盜誇者取非其有更夸張也聖人之道卑宮

室惡衣服非飲食務農重穀利必均  
布貧富不相耀今皆反之故曰非道

右第五十三章

善建者不拔善抱者不脫子孫祭祀不輟

吳

清曰植一木於平地之上必有板而便什之時善建者則永不拔持一物於兩手之中必有脫而離去之日善抱者則永不脫愚謂此二言者以喻樹德深而守道固也子孫祭祀不輟言德感修之身其德乃真修之家其德而流澤遠也

乃餘修之鄉其德乃長修之邦其德乃豐修

之天下其德乃普

修之身以善建善抱之道修之身也修之家以下並

同真與實也餘優餘也長加遠也豐盛大也普周徧也吳勿清曰邦諸本作國按詩序用之邦國焉之下孔穎達疏老子云修之邦其德乃豐蓋漢魏辭賦作國摩勒聚書最感

有未避諱以前舊本今按韓非解老正作故  
修之邦下文以國觀國亦作以邦觀邦云故  
以身觀身以家觀家以鄉觀鄉以邦觀邦以  
天下觀天下衆人之理即一人之理也故以  
吾之身可以觀衆人之身有道  
於此吾修之身而其德乃真譬之他人夫豈  
異乎下四句之義並同以天下觀天下謂以  
今之天下觀後之天下也吾何以知天下之然哉以此下天  
無二道也聖人知天  
下以此道知之爾

右第五十四章

朱子曰人皆言孟子不排  
老子老子便是楊氏愚謂

楊氏爲我蓋學老子之道而得其一偏者  
也考諸老子之書如此章所云豈徒爲我

而已邪至於宅車所謂萬物恃之以生而不辭愛養萬物而不為主聖人常善救人故無棄人既以為人已愈有既以與人己愈多如此類者不可勝舉由是觀之楊氏之學不盡合於老子明矣昔人謂孟子不排老子其言殆未可非不然孟子何以舍其師而攻其弟子哉學者知孟子不排老子庶幾知老子之道未可輕議也

含德之厚比於赤子毒蟲不螫猛獸不據攬

鳥不搏音博比類也赤子始生兒也吳幼清曰毒

蟲蜂蟻之屬以尾端肆毒曰螫猛獸虎豹之屬以爪足拏按曰據攬鳥鷹隼之屬以掌距

骨弱筋柔而握固未知牝牡之合而駿

初蘇子論  
乃老子亦  
為妖孽所  
生者以人  
而助天是  
為妖孽而  
禍其生矣  
益氣

作精之至也終日號而嗑不嘔和之至也  
畢反號平聲嘔所嫁反嗑音益○峻赤子陰也號啼也嗑咽也嘔聲嘶也蘇子由曰無執而自固無欲而自作是知精有餘而非心也心動則氣傷氣傷則號而嘔故知心不動則氣和  
知和曰常知常曰明  
物不至者則不反知和者可以長久  
故謂之常知常者是益生曰祥心使氣曰強  
為知道故謂之明  
祥妖孽也生本自然惟委之以無為可也益生者以人而助天是為妖孽而禍其生矣氣本冲和惟守之以柔弱可也心使氣者物壯以心而動氣是遇剛強而暴其氣矣  
則老是謂不道不道早已  
承上心使氣曰強而言解現上篇

右第五十五章

知者不言言者不知

知道隱無名知道者默而識之爾榮華其言蓋不

知道者也

塞其兌閉其門挫其銳解其紛和其光

同其塵是謂玄同

承知者而言玄同者大

不

可得而親不可得而疎不可得而利不可得

而害不可得而貴不可得而賤故爲天下貴

望之崇深不可得而親飲人以和又不可得

而疎也少私寡欲不可得而利舍德之屬又

不可得而害也不美寵榮不可得而貴不嫌

卑辱又不可得而賤也此至德之事故爲天

下

右第五十六章

以正治國以奇用兵以無事取天下

為治有體故治

國以正法兵事欲敵人不測故用兵以奇謀天下神器不可為也故取天下者必以無事

上二句特發端吾何以知天下之然哉

設問以起

下天下多忌諱而民彌貧

禁罔疏闊天下安

則民觸法抵禁失職者衆故彌貧也人多利器國家滋昏

昏亂也人

皆敦本業而不趨末雖有利器無所用之其多利器是交騖於利也故國家之亂滋甚矣

民多技巧奇物滋起民誠素樸豈有作淫巧者哉由民多技巧故多

奇袤無益之物皆法令滋彰盜賊多有平世

亂天下之具耳令愈簡亂世則法令愈繁上苛法以防下

巧法以罔上則姦軌寢長而盜賊多有也四

者之患始於人主有爲而天下愈亂故聖人

如此以此知取天下者必以無事也

云我無爲而民自化復引聖人之言以證之也聖人無爲固有不言之教而百姓

翕然自化矣我好靜而民自正好去聲○聖人好靜民亦

無爲無爲我無事而民自富上多事民必廢其私業能無貧

則自正矣乎故上無事我無欲而民自樸上有所欲民皆趨之而矯

而民自富



飭之行作矣故無欲而民自樸  
韓非曰去好去惡羣臣見素

# 右第五十七章

其政悶悶其民淳淳其政察察其民缺缺

悶音悶

門○悶悶察察解見上篇禍兮福所倚福兮

禍所伏孰知其極極終也禍兮福所倚指其

今禍所伏指其政察察其民缺缺而言此二

者或始若為禍孰知其終為福或始若為福

孰知其無正邪正復為奇善復為祆民之

迷其日固久

復反也奇表也承上言禍乃為福而福乃為禍將禍福其無正

邪良由在人正者反以為奇善者反以為祇  
是人之顛倒錯亂不知禍福之正非禍福本  
無正也自聖王既沒後之為政者大氏以道  
化為迂濶而甘心於刑名鈇薄之術矣民之  
迷其日固久

豈不信哉 是以聖人方而不割廉而不歲

直而不肆光而不耀

劇始衛反。廉稜也。劇

聖人之治雖至公至明而不失含弘寬厚之  
體不爾則剋伐太甚而流於察察之弊矣

### 右第五十八章

昔司馬遷作老莊申韓列傳其言曰老子所貴道虛

無因應變化於無為故著書辭稱微妙難  
識莊子散道德放論要亦歸之自然申子  
卑卑施之於名實韓子引繩墨切事情明  
是非其極慘礫少恩皆原於道德之意而

老子深遠矣後之學者讀遷之書不詳乃以爲申韓少思皆原於道德之意其亦誤矣夫遷所謂皆原於道德之意者此統論三子而云爾其曰慘礪少恩則專言韓非之弊非謂亦原於道德之意也至宋蘇子瞻又傳會而爲之說曰老聃莊周論君臣父子之間汎汎乎若萍游於江湖而適相值也商鞅韓非求爲其說而不得得其所以輕天下齊萬物之術是以敢爲殘忍而無疑張文潛亦曰無情之至至於無親此刑名之所以用也考亭朱子頗以二子之言爲然且曰太史公將老子與申韓同傳不是強安排源流實是如此噫彼二子文士之言特言之成理則不顧是非之實蓋無足議獨朱子此言苟非一時未定之論殆亦考之不審矣古者刑名之學雖有宗

於黃老者然不遇假其一二言之近似若其大體之駁豈真出於黃老哉且申韓殺人以行法而老子有代大匠斲之喻申韓挾數以御下而老子有以智治國之戒安有道不同如是而謂其源流之同哉然則朱子之言意者以蘇張而誤若蘇張之誤則實遷啓之也予嘗謂後世知尊老子者如遷蓋寡要亦知老子之淺者耳如曰皆原於道德之意斯言亦不能無失若夫以申韓同傳則又失之大者予觀申韓之術其責名實循勢理雖略放於道家因應之說迺其實則苛察繳繞正老子所謂察察之政以此言之固不可以爲原於道德之意至若二子之行事曾不得與老聃之役齒惡可取其一節之或似而猥使之同傳哉自遷創此論或者因傳會其說使老子

負謗於後世遷不得  
辭其責矣○嗽音核

治人事天莫如嗇

嗇儉也節以制度不傷財

特牲掃地而祭器用陶匏席用棗秸事天之  
嗇也夫治人事天皆莫如嗇則嗇之爲道無

所不  
宜矣夫惟嗇是謂早服早服謂之重積德重

積德則無不克無不克則莫知其極莫知其

極可以有國

早服猶言先事凡儉嗇者未有

曰早服早服則積累之日久故重積德克勝  
也重積德則人給家足故無所不克無所不  
克其國未可量也故莫知其極莫知其極則  
能長保其社稷故可以有國韓非曰衆人之

用神也躁躁則多費多費之謂侈聖人之用神也靜靜則少費少費之謂嗇衆人離於患陷於禍猶未知退而不服從道理聖人雖未見患禍之形虛無服從於道理以稱早服又曰凡有國而後亡之有身而後殃之不可謂能有其國能保其身也○離如字有國之毋可以長久是謂深根固抵長生久視之道抵根也有國之毋謂嗇也可以有國其本由於嗇故謂之有國之毋上一節言嗇之可以治國此一節言嗇之可以養生

### 右第五十九章

朱子曰老子言治人事天

莫如嗇它底意思只要收斂不要放出又曰凡事儉則鮮失老子言治人事天莫如嗇夫惟嗇是謂早服早服

是謂重積德被它說得曲盡重積德者言  
先已有所積復養以嗇是又加積之也如  
修養者此身未有所損失而又加以嗇養  
是謂早服而重積若待其已損而後養則  
養之方足補其所損不得謂之重積如某  
此身已衰耗如破屋相似東扶西倒雖欲  
修養亦何能有益邪今年得蔡季通書說  
近來深曉養生之理只是城郭不完無所  
施功愚謂朱子之言所謂得之而不盡者也

治大國若烹小鮮

小鮮小魚也烹小鮮者不敢撓動恐其糜爛聖人之

治大國當如是也以道莅天下其鬼不神莅臨也鬼謂鬼神

謂靈爽聖人以道化天下民無不善鬼無明威故其鬼不神

非其鬼不神

其神不傷人非其神不傷人聖人亦不傷人

覆解其鬼不神也鬼實有神以其神不傷人故若不神耳列子曰四時常若風雨常均字育常時年穀常豐土無札傷人無天惡物無疵癘鬼無靈響意亦若此聖人不傷人清靜不擾夫兩不相傷故德交歸焉  
鬼神聖人兩是也  
德之美咸聚於當世如董子所謂諸福之物可致之祥莫不畢至也

### 右第六十章

大國者下流天下之交天下之牝牝常以靜

勝牡以靜為下  
下流為下並上聲以下或下並去聲○下流江海也交會



合也言大國之道擬之於物如彼下流及天下之牝也蓋下流者處於衆水之下然以其卑下故天下之水皆歸之是以爲天下之會也牝之爲物不強於牡然牝者常以其柔靜故勝牡由以靜爲牡之下也故大國以下小國則取小國

小國以下大國則取大國故或下以取或下

而取以大國下小國則小國附之以小國下大國則大國納之以取謂取人而取謂

取於人大國不過欲兼畜人小國不過欲入事

人夫兩者各得其所欲大者宜爲下大國欲兼畜人

今下小國而小國附之小國欲入事人今下大國而大國納之是兩者各得其所欲也然

小國之欲止於事人而大國之欲在兼畜人  
事人者此國無禮則改事彼國兼畜人者失  
一小國則非兼畜矣故大者尤宜爲下也王  
輔嗣曰小國修下自全而已不能令天下歸  
之大國修下則天下歸  
之故曰大者宜爲下也

## 右第六十一章

道者萬物之奧善人之寶不善人之所保奧  
尊也室內西南隅曰奧古者爲室戶不當中  
而近東則西南隅最爲深隱故謂之奧而祭  
祀及尊者常處焉保者依之而求安也善人  
得此道猶懷寶於身則能無所往而不利不  
善人始失此道及其懼禍以圖存然後保守  
於道亦能轉禍而爲福言道之在天下善與

此言施重  
不財施輕

不善皆蒙其利所以爲萬物之奧也美言可以市尊行可以加  
人行去聲○申言善人之事吳幼清曰嘉言  
人可愛如美物之可需卓行可宗高出衆人  
上之人之不善何棄之有故立天子置三公  
不善人也人有不善改則善矣故人之不善  
不可遽以爲不善而棄之也古之立天子置  
三公正所以教化不善之人豈可反棄之邪  
雖有拱壁以先駟馬  
不如坐進此道  
馬陳於外而執拱壁以將命故曰拱壁以先  
駟馬坐跪也獻人以拱壁駟馬此世之所謂  
至貴者然不如以此道與人言  
道之貴雖物之貴者弗如也  
古之所以貴

有國修政善解  
聖持現世所不  
無不如為王統  
有海無量德  
知生此意深

有為無為也無  
為空也為無  
為中也

此道者何不曰求以得無罪以免邪故為天  
下貴夫求者恒難得有罪者恒難免故雖王  
公之貴晉楚之富固未能遂其所求免  
其有罪也惟此道以求所欲則必得以免有  
罪則必免豈非天下之至貴邪此古之人所  
以貴夫此道也

## 右第六十二章

為無為事無事味無味

為無為者一言已盡  
矣事無事味無味皆

為無為之事也引而伸之文辭之體耳嘗為  
之說曰夫無為則非為也而曰為無為者何  
哉原夫老子以後世之好有為而反喪其自  
然也於是教之以無為其曰為者政所以為

夫無爲耳既爲無爲豈復有一毫之作爲哉然則從事於道者固不可執乎爲而背乎無爲也夫心愈爲則心愈亂國愈爲則國愈擾德愈爲則德愈不真道愈爲則道愈不近爲之之害蓋無往而不可惟易之以無爲則夫數者之理各反於自然斯可以坐而得之矣昔嚴君平有言譬夫萬物之託君也猶神明之居身而井水之在庭也水不可以有爲清也神不可以思慮寧也至哉大小多少報怨以言乎非知道者孰能識之

德

司馬溫公曰視小若太

圖難於其易爲大

於其細

以上皆言有道者之行下

天下難事

必作於易天下大事必作於細

作起也凡難事非遽難也

蓋起於易而積漸以至於難故圖難者必於其易無以易而慢之使將來之事不可爲也大事非遽大也蓋起於細而積漸以至於大故爲大者必於其細無以細而少之使遠大之功莫是以聖人終不爲大故能成其大聖人能成也是以聖人終不爲大故能成其大未嘗爲太惟積累細微故能馴至於大也夫輕諾必寡信多易必多難是以聖人猶難之故終無難曰諾輕易諾人其終難於踐言則寡信矣舉此一事以況多易必多難也

## 右第六十三章

其安易持其未兆易謀其脆易破其微易散

爲之於未有治之於未亂

此言圖難於其易

合抱之

木生於豪末九層之臺起於累土千里之行

始於足下

此言爲大於其細

爲者敗之執者失之是

以聖人無爲故無敗無執故無失

無爲之理爲之執之

皆妄也故爲者敗而不可成執者失而不可得因而無爲故無成與虧委而無執故無得

與民之從事常於幾成而敗之慎終如始則

無敗事

幾平聲○幾近也常人見事之將成而慢易之心生焉則常轉而爲敗矣

慎其終如慎其始斯能底於成而無敗事也

是以聖人欲不欲不

金鑑曰  
此四書是  
他處所無

貴難得之貨學不學復衆人之所過以輔萬  
物之自然而不敢爲復反也聖人欲不欲者  
貨則棄之而不貴學不學者無學以爲學也  
衆人之所過則反之而不爲夫難得之貨非  
性命也固外物也衆人貪其所無用而敝精  
神以求之賤已貴物惑之甚矣聖人但貴無  
欲而不貴彼也萬物各有自然之理衆人不  
因其真而妄加作爲以害之背醇樸而事智  
巧舍易簡而之繁難斯已過矣聖人務反衆  
人之所過惟輔相萬物之自然而不敢有所  
作爲也

# 右第六十四章



古之善爲道者非以明民將以愚之智慧者

源也古之善爲治者非以明民開民之難治

以其智多民之愚也質樸之性尚未失故教

令爲易從及其智多則淳樸盡而巧詐滋欲

此者爲故以智治國國之賊不以智治國

之福賊害也用智治國則民化而爲智造僞

而爲樸黎民醇厚是國之福也王輔嗣曰民

動民邪心既動復以巧術防民之僞民知其

防隨而避之思惟密巧姦僞益滋故曰以智

治國國之賊也知此兩者亦楷式能知楷式是謂玄

德玄德深矣遠矣與物反矣然後乃至大順

楷模式法也衆人之言爲國也以爲用智則治不用智則亂此未知擇術未可以治人也故能知兩者利害之實亦足以爲天下之楷式矣衆人之治貴用智而聖人之治貴不用智是謂玄德之深遠而與物相反也順治也天下每每大亂罪在於好智夫惟不用智然後至於大治矣

右第六十五章

濂溪先生拙賦曰巧者言拙者默巧者勞拙者佚巧

者賊拙者德巧者凶拙者吉嗚呼天下拙刑政微上安下順風清弊絕周子之意與

此章之指相近故朱子謂其言似莊老云

江海所以能為百谷王者以其善下之故能

為百谷王

王之為言天下所歸往也天下之谷皆歸往於江海故江海為百谷

王然所以能致此者以其處於百谷之下為能善下百谷耳

是以聖人欲

上民必以言下之欲先民必以身後之

清且

此聖人謙讓盛德非有心於上人先人而為之讀者不以辭害意可也

是以處

上而民不重處前而民不害

人性陵上者也

後人是以雖處人上人欣戴之不以為重雖處人前人悅隨之而無傷害之心是以

天下樂推而不厭推奉也處上而人重處前  
樂而必厭矣由不重不害是以樂推而不厭以其不爭故  
天下莫能與之爭下人後人是不爭也故天  
能與之爭矣

## 右第六十六章

天下皆謂我道大似不肖夫惟太故似不肖

若肖久矣其細也夫不肖謂無所象類此猶

博學而無所成名之意蓋美其大而病其似  
不肖也然不知惟大故似不肖若肖於物則

是亦一物而已  
何足以爲太  
我有三寶寶而持之一曰慈

二曰儉三曰不敢爲天下先  
慈者愛物而不忍傷之也不敢

爲天下先處於衆人之後也  
慈故能勇儉故能廣不敢爲

天下先故能成器長今舍慈且勇舍儉且廣

舍後且先死矣  
長舍並上聲。慈故能勇猶言仁者無敵儉故能廣節用

則有餘也不敢爲天下先則天下皆推先之故其成器爲天下之長也今謂當時之人且

又也非慈非儉非後此危道也況復重之以惡鮮不死矣  
夫慈以戰則勝

以守則固天將救之以慈衛之  
衛護也慈爲三寶之首特

覆言之以慈保民民皆親之如父母故戰必  
勝而守必固言慈爲人之所助也慈者不傷  
物其德能動天也天將救其危殆亦以慈  
衛之不使敵人傷之言慈爲天之所助也

## 右第六十七章

善爲士者不武善戰者不怒善勝敵者不爭

善用人者爲之下

士吳氏以爲古者車戰爲士是也善爲士者尚德不

尚勇善戰者恬澹爲上不忿怒也先言二者以起下文耳善勝敵者修之於廟堂之上而敵人自服若夫興師動衆角智力而僅勝之兵之末也用人而不爲之下則其力不爲用善用人者能爲人下然後得人是謂不爭之  
之惟心而天下皆樂爲之用也

德是謂用人之力是謂配天古之極德應善  
勝敵而言用人之力應善用人而言不爭之  
德不以兵車而天下服用用人之力不勞聰明  
而天下治天之道不爭而勝無爲而成聖人  
德合於天故曰配天此上古極致之道故曰  
極

## 右第六十八章

用兵有言吾不敢爲主而爲客不敢進寸而

退尺

用兵有言古兵家有是言老子善其言

而稱之吳勿清曰爲主肇兵端以伐人  
爲客不得已而應敵不敢進寸難進也退尺  
易退也不爲兵首但爲應兵雖爲應兵而亦

不欲合戰不敢少進求與是謂行無行攘無  
敵遇寧遠退以避敵也  
臂仍無敵執無兵行上如字六音抗之無行  
執醜虜此老子贊美古語之辭謂用兵猶不用也禍莫大  
於輕敵輕敵幾喪吾寶故抗兵相加哀者勝  
矣幾平聲○哀即慈也蘇子由曰聖人以慈  
為寶輕敵則好戰好戰則樂殺人所以幾  
喪吾寶也故兩敵舉兵相加而吾出於不得  
已則有哀閔殺傷之心哀心見而天人助之  
雖欲不勝  
不可得已

## 右第六十九章



吾言甚易知甚易行天下莫能知莫能行

子之言固易知而易行然天下莫能知莫能行者蓋不明道德之意也

言有宗事有主惟無知是以不知我知此言莫能知

言有宗事有主謂道德也凡老子之言非無稽而言也蓋原本道德以此揆天下之故以

此明得失然否之辯以此著禍福成敗之應則道德者乃其言之宗事之君也故人必知

夫道德然後知其言之所以然庶幾其能行之矣由無知於此是以其言雖易知而終莫

能知也知我者希則我貴矣是以聖人被褐懷

玉也若使我之言者寡是其言之高妙迺足貴

貴矣故獨懷玉喻人莫能知也  
王輔嗣曰知我益希我亦無匹

## 右第七十章

知不知上不知知病

知而無知者性之本也  
物至知知者性之動也

眩於物交之知而不察真知之無知世上通  
藏也故知道者能復反於不知斯爲上矣上  
篇所謂滌除玄覽能無疵乎卽此意也不知  
道者方且執妄知以爲知妄知在心斯爲病  
矣莊子曰知謂無爲謂曰何思何慮則知道  
何處何服則安道何從何道則得道三問而  
無爲謂不荅也非不荅不知荅也知以之言  
問乎狂屈在屈曰唉予知之將語若中欲言  
而忘其所欲言知見黃帝而問焉黃帝曰無  
思無慮始知道無慮無服始安道無從無道

始得道知問黃帝曰我與若知之彼與彼不  
知也其孰是邪黃帝曰彼無爲謂真是也狂  
屈似之我與汝終不近也知謂黃帝曰吾問  
無爲謂無爲謂不應我非不應我不知應我  
也吾問狂屈狂屈中欲告我而不我告非不  
我告中欲告而忘之也今予問乎若若知之  
真故不近黃帝曰彼其真是也以其不知也  
此其似之也以其忘之也予與若終不近也  
以其知之也狂屈聞之以夫惟病病是以不  
黃帝爲知言○唉音哀

病

妄知者性之病也知妄知爲病而病之斯無妄知也

聖人不病以

其病病是以不病

聖人無妄知之事也

妄知之病爲病故  
妄知之病去矣

右第七十一章

民不畏威則大威至

威可畏者謂疾病災禍之屬大威大可畏者謂

死亡也言民平日不知畏其可畏而觸情縱欲以爲無傷由是惡積而不可撓罪大而不

可解而大可畏者至矣

無狹其所居無厭其所生

無毋通禁

止辭所居或高或下然皆足以自適不可狹小之而若不容所生或辱或薄然皆足以自

樂不可厭惡之而若不屑老子言此特以寤夫世之齊民使之安貧委命而肆志於天地

之闕也况於王公卿士稟賦優而居處崇者可無戒路臺之欲乎

夫惟不厭

是以不厭

不言不狹省文也衆人厭其所生而乾沒不已於是求利而得害求

安而得危鄉者本非可厭至此則可厭也惟  
不厭者知足不求而終無危殆之患是以不  
厭是以聖人自知不自見自愛不自貴故去  
彼取此見賢達反。生本有定分衆人不知  
命不自銜鬻而有慕外之念居本有餘裕衆  
人不安士故狹之惟聖人自愛其居不擇地  
而安之不自尊大而有出位之思去彼取  
此謂去衆人之狹厭而取此止足之道也

### 右第七十二章

勇於敢則殺勇於不敢則活此兩者或利或  
害天之所惡孰知其故是以聖人猶難之去

聲。殺猶死也。兩者謂敢與不敢。利謂活害。謂殺天道好善惡不害勇於敢者。通天之所惡。故有害而無利。而民之迷無有知其故者。其惟聖人能知天意。故於事且猶難之。而不取也。天之道不爭而善勝。不言而善應。不召而自來。綽然而善謀。天網恢恢。疏而不失。綽音勝。綽也。謀計筭也。天道不與人爭。而靡人不勝。無有言語而其應如響。不待速召而自來。裕其心。舒緩而實善謀。世之禁網雖密。然人多幸免者。惟天網恢恢。廣大。有若疏而不密。而為惡之人。無有能逃也。

## 右第七十三章

民不畏死柰何以死懼之

為政而任刑者欲以死懼民而已

不知愚民之不畏死也以其所不畏而懼之其事甚不德而其術亦甚疎矣本朝

皇帝道德經序曰朕自即位以來罔知前代

太祖

哲王之道問道諸人皆我見一日試覽羣

書有道德經一冊見其文淺而意奧久之見

本經云民不畏死柰何以死懼之當是時天

下初定民頑吏弊雖朝有十人棄市暮有百

人仍為之如此者豈不應經之所云朕乃罷

極刑而囚役之不逾年而朕心減朕知斯經

乃萬物之至根王者之上師臣民之極寶非

金丹之術也於戲我太祖蓋天縱大聖人

者故聰明睿智知言之奧如此豈聰明作元

后太祖之謂矣仁人之謂矣若使民常畏死而

言其利博哉老子之謂矣

為奇者喜得執而殺之執敢奇邪也言若使

奇者吾得執而殺之則民執敢為奇邪以取

執戮哉今執戮不已而為惡者不懲則民之

不畏死常有司殺者殺夫代司殺者殺是謂

代大匠斲夫代大匠斲希有不傷手矣斲音卓

上言殺人之無益此言殺人之有禍吳幼清

曰司殺者天也唯天為能殺人唯大匠為能

斲木人欲代天殺人猶代匠斲木也代斲者

手必多傷以譬代殺者身必多害也林希逸

右第七十四章



民之饑以其上食稅之多是以饑稅租也取民多故民

食不民之難治以其上之有為是以難治上

足為則國多事國多事則姦邪生此其所以難治也民之輕死以其生

生之厚是以輕死夫惟無以生為者是賢於

貴生賢愈也生生之厚者彼志多則勞生而害和平用物弘則營利而忘禍敗此其

所以輕死也無以生為者所謂外其身而身存其賢於貴生者遠矣

### 右第七十五章

人之生也柔弱其死也堅強草木之生也柔

脆其死也枯槁故堅强者死之徒柔弱者生

之徒

脆輒也徒類也人生則柔弱可以屈伸和氣之使然也死則強直和氣去之矣

草木之生死亦然以此見堅強者乃死之類柔弱者乃生之類也

是以兵強

則不勝木強則共強大處下柔弱處上

共拱通○

共挂也荀子曰強自取挂兵強者則敗亡常為弱小之所乘木強者則支挂常為衆木之所壓嚴君平曰天地之理小不載大輕不載重故強人不得為王強木不得處上○挂音主

## 右第七十六章

天之道其猶張弓乎高者抑之下者舉之有

餘者損之不足者補之高者抑之四句言弓人爲弓調適弓幹使

之相稱也天之道損有餘而補不足人之道則不

然損不足以奉有餘孰能有餘以奉天下惟

有道者天道均平而已故損有餘而補不足人道逆天而不平惟有道者明於天

道適能推已之有餘以奉天下是以聖人爲而不恃功成而

不處其不欲見賢邪見賢適反○古之人其才過人者則思以其才

而濟物未嘗挾以自大也故役其賢智以養人後人之賢智者則自計其有以躬享佚樂

爲適然故役乎愚不肖者以養已聖人爲而不恃若無能者功成而不居若無功者正不欲自見其賢也此非聖人以私意而過爲謙天道當如是爾

## 右第七十七章

天下柔弱莫過於水而攻堅强者莫之能勝

其無以易之

凡物之柔弱者莫過於水然以之攻於堅強而堅強者皆受其

攻而莫之能勝則天下之物能弱之勝強柔

攻堅强者亦無物可以易水也之勝剛天下莫不知莫能行是以聖人云受

國之垢是謂社稷主受國之不祥是謂天下

王正言若反

能天下亦皆知柔弱之事蓋以剛強為樂

而以柔弱為可耻也故復引聖人之言以告之垢耻也垢耻不祥衆人所不能受也樂受之而不按惟柔弱者能之以其柔弱而制天下之剛強故能保社稷而有天下也傳曰國君舍垢天之道也如句踐入宦於吳而越卒以霸呂后不報嫪書之辱而匈奴和親即其效也正言若反者世俗之言但謂受辱者為庸人今聖人之言迺如此聖人之正言非真若反也由世俗之情觀之則若反耳

右第七十八章

和大怨必有餘怨安可以為善

和謂和解周禮調人掌司

萬民之難而諧和之和難亦有券契司約掌  
邦國及萬民之約劑治民之約次之鄭玄註  
曰民約謂仇讎既和是也凡民相與為仇讎  
既諧和則不得相讎違約而讎者司約治之  
竊意當時和難之事初則官府掌之其後久  
而成俗不專聽於有司矣難即怨也無怨安  
用和故和大怨者必有餘怨有餘怨則猶有  
報復讎害之心此特衰世之道非犯而不校  
之意也何足以為善乎蘇子由曰怨生於妄  
而妄出於性知性者不見諸妄而又何怨乎  
今不知除其本而欲和其末故外雖  
和而內未忘也○調平聲難去聲

人執左契而不責於人

契者兩書一札同而別之左契所以與右

契所以取周禮小宰聽取予以書契曲禮曰  
獻果者執右契戰國策曰操右契而為公責

德於秦魏之王史記曰事成操右券以責蓋  
左契待合而與之右契所以責取也責謂責  
取言聖人惟施與於人而不責取其報已有  
德於人而忘之則人有怨於已而忘之從可  
知矣○有德司契無德司徹徹謂徹法以公  
予與通取之視執左契者異矣有德司契但與人而  
不取於人無德司徹雖與人而必取於人也  
天道無親常與善人善人但與人而不取於  
人雖不取於人而天常  
與之也

## 右第七十九章

小國寡民使有什伯之器而不用使民重死

而不遠徙

使有什伯之器謂一國之民但共

猶不用民皆無事也樂其生

雖有舟輿無所

乘之雖有甲兵無所陳之使民復結繩而用

之

復扶又反○民淳事簡復還上古之俗也

甘其食美其服安其

居樂其俗

甘其食以其食為甘也下三句意放此言民自足而不外慕也司馬

溫公曰雖疏惡隘陋自以為甘美安樂

鄰國相望雞犬之聲相

聞民至老死不相往來

望平聲○相望相關言其至近不相往來

無求故也蘇子由曰老子生於秦周文勝俗將以無為救之故於其書之終言其所志



願得小國以試  
焉而不可得爾

## 右第八十章

信言不美美言不信善者不辯辯者不善知

者不博博者不知

信言不美言之實者不假  
虛飾也善者不辯善其事

者不事口辯也知者不博  
知其要者不務多識也

聖人無積既以為

人已愈有既以與人已愈多

積藏也聖人以  
其道而為人以

其利而與人雖施及天下與後世而其  
道愈有而無盡其利愈多而不減也

天之

道利而不害聖人之道為而不爭

天道育萬  
物有利而

無害聖人道濟天下功成而不居此與上文  
無積雖分而言之如此然天即聖人聖人即  
天三者之德未始不同也抑此三者推其極  
致非天與聖人莫能盡即其切近則人皆可  
以與能也此固老子爲書之大指是以二篇  
之中蓋屢伸之至於卒章而復以是終焉烏  
哉

# 右第八十一章

老子書舊分八十一章或

所定著然皆無所考大氏其由來遠矣故  
諸家注本多從之王輔嗣司馬公本雖不  
分章題其注意實與分章者相合獨嚴君  
平分爲七十二章吳幼清分爲六十八章  
予觀八十一章其文辭之首尾段次之離  
合皆有意義嚴氏所分蓋不逮也要之八

十一章者  
近之矣

重泥作靈王夏注誦是經一過并白詳解凡老子之道與儒佛  
無不相貫道者言道之始而末及乎治術儒者言道之正而靈瑞  
乎仙本佛者言道之終而不順乎世法三者實一不得妄有分別  
因生目翳者不自辨官欲取儒佛之存以相証發難并註次頗有  
合者識此見淺解一遺十顧失勤力以期貫通烈又讀此  
詳解融會明了實勝他本雖愈穿鑿者

老子集解下

老子考異

孔子曰吾猶及史之闕文也傳曰疑以傳疑古者於載籍有疑闕則因之懼浸失真也自漢以下注老子者甚衆其書亡者蓋什八九存者數十家爾予家所藏僅十餘本校其文字多有同異今集解內頗擇其近是者而從之顧已意所安未必盡是或不若諸本之善也故並

錄附篇末以備參考若予所未見而不  
及盡載者好古君子當別求之諸本云

第二章

萬物作而不辭作下一有焉字

第三章

聖人之治一無之治二字為無為則無不治矣一無矣字

第四章

或不盈或下有一有似字

第七章

故能長久

一作生

第八章

故幾於道矣

無矣字

第九章

功成名遂身退

名一作事一無成名二字

第十章

能無離乎

一無乎字下五句並同

生之畜之

一無此二句

第十三章

是謂寵辱若驚

此句無

故貴以身爲天下者可

以寄天下愛以身爲天下者可以託天下

無一

二者字可以一並作若可一並作若可以一並作則可以寄託二字下一並有於字

第十四章

繩繩不可名

繩下一有兮字

第十五章

豫兮若冬涉川猶兮若畏四鄰

一無二兮字

儼若

客渙若冰將釋一作儼兮其若客安以久之

久一作動一作故能敝不新成故一作是以

安以久動之  
成復

### 第十六章

各歸其根各有一復字

### 第十七章

其次親之譽之親之一作親而其次畏之其次侮之

一無下其信不足有不信信不上有一有故字



猶兮其貴言

一作無

百姓皆曰我自然

一無皆

謂作

## 第十八章

六親不和有孝慈

慈一作子

## 第二十章

如春登臺

一春字在登下

乘乘兮若無所歸

乘乘一作僂僂

沌沌兮

一作純純

我獨若昏

若昏一作昏昏

忽若晦寂若

無所止

晦一作無

所止一作海

一作澹兮其若

海

飄兮似

無

止一作漂兮其若海風兮若無所止我獨異於人而貴食毋下食  
有一於字一作而貴求食於毋

## 第二十一章

惚兮恍兮其中有象恍兮惚兮其中有物窈

兮冥兮其中有精

三其字上一並無兮字一無三其字句末並有兮字

## 第二十三章

飄風不終朝

飄上一故字

故從事於道者同於道

者下一重出

同於道者道亦得之同於德者

德亦得之同於失者失亦得之

一三亦字下並有樂字

## 第二十四章

其於道也

於一作在

## 第二十五章

強為之名曰大

一作強名之曰大

而王居其一焉

一無

而字一作而王處一焉

## 第二十六章

柰何萬乘之主

柰一作如

輕則失臣

臣一作本一作根

第二十七章

善計不用籌策

計一作數

第二十九章

故物或行或隨

故一作凡

第三十章

善者果而已

善上一已下一

有故字

不敢以取強

強下

一有焉字

果而勿強

一作是謂果而勿強

第三十一章

夫佳兵者不祥之器二無之勝而不美而美

之者是樂殺人也而美一作若美一無而字

若美必樂之樂之不可得志於天下矣可下

以字一偏將軍處左偏上一有言以喪禮處

之一作言居上勢

### 第三十二章

樸雖小天下不敢臣一無樸雖小一句不萬

物將自賓萬物一作天下民莫之令而自均民一作人猶

川谷之與江海與二作於

第三十四章

功成不名有一無此句一作愛養萬物而不

為主愛養一作衣被萬物歸焉而不為主焉一作作之

是以聖人終不為大故能成其大終一作以其

大故能成其大一作是以聖人能成其大也以其不自大故能成其大

第三十六章

柔勝剛弱勝強柔弱下一並有之字

第三十七章

不欲以靜

不欲一作無欲

天下將自正

正一作定

第三十八章

處其厚不處其薄居其實不居其華

一作處其厚不

居其薄處其實不居其華

第三十九章

谷得一以盈侯王得一以為天下貞

盈下一有萬物

得一以生一作貞一作正

其致之一也

一無一也二字

谷無以盈

將恐竭侯王無以為貞而貴高將恐蹙竭下有

萬物無以生將恐滅二句下二侯王自謂孤一作侯王無以貴高將恐蹙

寡不穀謂一作稱故致數與無與數與無與一作數車無車一作

數譽無譽一作故至譽無譽無致字

### 第四十章

天下之物生於有之一作萬

### 第四十一章

夷道若類類一作類



第四十二章

或益之而損一無或字我亦教之一作亦我教之作亦我義教之

第四十三章

吾是以知無爲之有益一無吾字益下一有也字

第四十六章

却走馬以糞糞下一有車字罪莫大於可欲禍莫大於不知足咎莫大於欲得一無罪莫大於可欲一句一禍莫大

於不知足在咎故知足之足常足矣一無之莫大於欲得下足二字

第四十七章

不行而至

至一作知

第四十八章

損之又損

一作損之又損之

取天下常以無事

取上一有

故字常上

一有者字

第四十九章

德善矣

德一作得

無矣字

德信矣

德一作得

無矣字

惓惓爲

天下渾其心

惓惓下

一作有焉

字一作歛歛

### 第五十章

人之生動之死地者亦十有三

亦字

無

### 第五十一章

夫莫之命而常自然

命一無夫字

作壽

成之

熟之作

一作

壽之

壽之

壽之

壽之

壽之

壽之

### 第五十二章

既得其母以知其子得一作知

第五十三章

大道甚夷而民好徑而民一作甚財貨有餘財一作貨

資是謂盜誇非道哉盜誇下二字道下一重出盜誇

第五十四章

修其身其德乃真之下下一有於字

第五十五章

終日號而嗟不嗟而下一無嗟字

第五十六章

不可得而親不可得而疏不可得而利不可  
得而害不可得而貴不可得而賤

下三句上  
並有亦

第五十七章

吾何以知天下之然哉

一作吾何以知其然  
哉哉下一有以此二

第五十八章

淳淳一作醇禍兮福所倚福兮禍所伏上所字

有之民之迷其日固久民一作人迷下一有也字固久一作固已

久矣

### 第五十九章

是謂早服謂一作復深根固柢柢一作蒂

### 第六十章

聖人亦不傷人下人字一作民

### 第六十一章

天下之牝牝常以靜勝牡牝字以靜為下一無下

一無此句一作夫兩者各得其所欲大者宜以其靜為之下

為下一無夫字大上一有故字

第六十二章

善人之寶寶上一有字古之所以貴此道者何何下

有也字有罪以免邪罪下一有可字

第六十三章

圖難於其易為大於其細一無二其字天下難事

必作於易天下大事必作於細二下字下一並有之字

### 第六十四章

其脆易破破一作泮是以聖人無爲故無敗無執

故無失無是以二字無聖人二字

### 第六十五章

知此兩者亦楷式能知楷式是謂玄德楷一作並楷

稽能一作常然後乃至大順一作乃至於大順一作乃復至於大順

### 第六十六章



欲上民必以言下之欲先民必以身後之一民

作人必以一處上而民不重處前而民不害

並作以其

### 第六十七章

天下皆謂我道大似不肖道一字無若肖久矣其

細也夫一無也寶而持之實一作保一故能

成器長器一作其

### 第六十八章

善勝敵者不爭一無敵字  
爭一作與

### 第六十九章

仍無敵仍一作輕敵幾喪吾寶敵下一有則字故抗兵

相加哀者勝矣加下一有則字

### 第七十章

則我貴矣一作則我者貴

### 第七十二章

則大威至至下一有矣字一作無狹其所居

狹一作狎  
居一作安

第七十三章

繹然而善謀繹一作坦

第七十四章

民不畏死民下有常有司殺者殺殺一無下夫

代司殺者殺是謂代大匠斲夫一作而一無

殺者是夫代大匠斲者希有不傷手矣者一無

一作希不自  
傷其手矣

第七十五章

以其生生之厚

上生字一作求

第七十六章

草木之生也柔脆

草上一有萬物字

強大處下

強上一有

故字強大一作堅強

第七十七章

不足者補之

補一作與

損有餘而補不足

一無字孰

能有餘以奉天下

一作孰能以有餘奉天下

其不欲見賢

邪一無邪字

第七十八章

莫之能勝勝一作先是以聖人云是以一作言二  
字

第七十九章

有德司契有上一有故字

第八十章

使有什伯之器而不用伯下一有人字雞犬之聲相

聞聲一  
作音

老子姓李名悌周靈王時人

老子考異